

Pasquilli
de
concilio Mantuano

Mbb. 62.

Mbb. 62.

PASQVILLI
DE CONCILIO MAN-
tuano Iudicium.

QVERIMONIA PAPI-
starum ad Legatum Pon-
tificium in comicijs
Schmalcaldianis.

Mantua uæ miseris nimium uicina Papistis.

MDXXXVII

1887/88:1060



S. THYRIGETA GER-
MANIÆ SALVTEM.

Ausonij pulsus nuper Pasquillus ab oris
Cogitur externas exul adire plagas
Causa fugæ est Lacijs culpam taxisse Bahalis.
Causa fugæ est dirum non tacuisse scelus.
Scilicet, infandæ quod culpet crimina Romæ,
Amplius huic Lacio est nullus in orbe locus
Inclita suscipito Germania, uera monentem
Ad te qui lingua non simulante uenit
Vera tibi loquitur, credas rogo uera loquenti
Huncq; tuum uatem, si sapis, esse sine.
Fallor an insurgis, iustas an colligis iras
Dum Papæ tremulo perlegis ore dolos
Surge animis, contraq; ausis maioribus ito
Stulta, quid es Lacijs fabula trita dolis?
Semper ad huc inuicta tuos cū straueris hostes
Quid iuuat hic uires non ualuisse tuas?
Sed neq; te cōtra prius arma capessere phas est
Quæ mouet indignos, ultio iusta mouet.
Quod facis, inuictū, q̄tū potes, adsere VERBUM
Quæq; Deo acceptos nos facit esse, FIDEM
Hanc tibi, quod cupiunt, si subtraxisse studebūt
Iusta lacepsito prælia Marte gere,
His tibi posse mori pulchrū succurrat in armis
In Christo, uita est cœlica, posse mori.



PASQVILLI DE CON
cilio Mantuano iudici-
um.

GERMANVS. PASQVILLVS.



GERMANVS, HEVS
Pasquille, Quo prope-
ras? quid festinas? quid
tecum mussas? PAS.
puto nihil in hac Vrbe
sani esse reliquum, Deli-
rat Papa. Insanit ordo Cardinalitius, E ma-
nia laborant Episcopi, Furore & amentia
perciti sunt sacrifices, Elleboro egent Mona-
chi. Breuiter, Totus ille grex, Papæ qui sequi-
tur imperium, insanus est. GER. Heus
inq̄ Pasquille, Audin? An surdus es?
PAS. Ecquis me uocat? GER. Ego ue-
ro te uoco. PAS. Oh Germane, tu ne hic
aderas? Non te profecto uideram. GER.
Credo, sed quid tecum stomacharis? Subira-
tior mihi uideris, ac soles. PAS. Stoma-
chor, Cur enim negem quod uerissimum est?

A 2

sed ob

Sed ob causas iustissimas, Imo abiturus hinc
sum propediem. GER. Cur istuc?

PAS. Propter Curiae insaniam, quam ta-
men ferre possem, si non cum summa esset
coniuncta malicia. GER. Atqui ego Ro-

mam non arbitror deserere posse te. Quod
si obfirmato animo abiturus etiam hinc esses,
tamen nescio an libertate ac presentia tua
urbs hæc carere possit, nisi forte, ut quilibet
posthac audeant Romanistæ, permissurus es.

PAS. Quod quilibet scelerata hæc fex &
audeat & ausura in posterum sit, sepe indo-
lui. Interdum etiam peccandi in nebulonibus
istis licentiam, liberius aliquanto insectatus
sum. Sed quid tandem facias, si recta monenti
obtemperet nemo? Video stulticiam & in-
saniam istorum, adeoq; inueteratum hoc ma-
lum sanari non posse, quantumuis obiurges
& increpes. GER. Quod nam malum?

PAS. Miror id cur interrogas, quum om-
nia huius urbis mala, non aliter atq; tuos ar-
ticulos, comperta habeas. GER. Si in

genere dicis, scio sentinam & Camerinam
malorum esse in hac urbe omnium. Sed ta-
men aut ego fallor augurio aut tu peculiare
aliquod

aliquod malum iam incusabas. PAS. Non omnino falsus es. Quod enim atrocius in urbe malum, quæ maior uel insania, uel malitia, excogitari potest, atq; agnitam ueritatem, & impugnare & persequi? GER. Istuc igitur Romanenses, maiori studio ac antehac, facturos subodoratus es? PAS. Utinam falso hic incusarentur. Ipse hodie audiui, quid de nouo moliantur, Adcoq; quale consilium, de Euangelico negotio opprimendo, inierint. GER. Truculentum ne? PAS. Quicquid hisce in rebus consultarunt hætenus, truculentum fuit & sanguinarium, sed quæ nunc decreuerunt truculentissima sunt. GER. Dij meliora. Sed quid tandem beluæ istæ potuerunt decernere? Sæpe audiui, Malum consilium, consultori pessimum esse, id quod istis quoq; euenturum arbitror. PAS. Vident hypocrisin suam detectã. Videt detractã esse fucis suis, quibus uulgo imponebant, laruam. Vident de tyrannide, deq; regno suo actũ esse. Vident Lutherannum dogma, quo nomine Euangelicam doctrinã dignantur, latius propagatum esse, quam quod opprimi facile possit. Statuerunt igitur

A 3 extrema

extrema tandem experiri. GER. For= san iuxta illud. Vna salus uictis, nullam spe= rare salutem. Sed qua nam ratione Germa= nos meos adorientur? PAS. Manifesta uis principio non adhibebitur. GER. Quid igitur? Concilium cogent generale. GER. serio ne? PAS. Nihil minus. Ne= q; enim magnopere pertinere ad se arbitran= tur, siue pessum eat Christiana religio, siue propagetur, modo, & ipsi uiuant suauiter & habeantur in pretio. GER. In pretio autem? Atqui trucidari Germanorum gens citius sustinebit, q̄ istam colluuiem, ni re= sipiscat, apud suos in pretio haberi, Ita mihi eius gentis mores perspecti sunt. PAS. No runt hoc & Romanenses mei. Interim tamen hoc consilio cogent synodum, ut si cocat, id quod tamen non cupiunt, uel in uniuersum Lu theranos opprimant, uel saltem a reliquis nationibus, hoc doctrix genus arceant. GER. Istuc quo pacto fieri possit, non ui= deo. PAS. Non uides? Aut enim ueni= ent Lutherani ad conciliabulum istud (ha lapsus sum, Concilium dicturus eram) aut non uenient. Si nenerint, inaudita caus= sa,

sa, indefensi, absq; ulla caussa cognitione
damnabuntur, proscindentur & proscriben-
tur. Erit enim & accusator & iudex Papa.
Si non uenerint, iam caussam se & occasio-
nem habituros existimant, Cæsaris ut in illos
arment potentiam. GER. Duras Ger-
manorum meorum partes prædicas. Sed ita
ne perfidos futuros putas, etiam si uenturis fi-
dem dent? PAS. Hac de re dubitare nul-
lus debes. Neq; enim frustra statuerunt ante-
hac, Hæreticis quidem fidem dandam, sed ta-
men seruandam non esse. Qua in re si exem-
plum quæris, indignissimam Ioannis Hus
mortem, in memoriam reuocabis. GER.
Atqui si in Germania cogetur Synodus, haud
ita facile damnari, inaudita ac indefensa
caussa, sustinebunt. PAS. Scio, sed huius
rei gratia locus ei negotio, in Italia destina-
tus est. GER. Vbi nam? PAS. Man-
tue. GER. Ha ha ha. PAS. Quid
rides? GER. Mirum in hoc agunt Ro-
manistæ, quod lupum quondam fecisse ferunt,
cum auçarū gregem in syluam, ueluti ad amœ-
nissima pascua, inuitaret. PAS. Qui ali-
ud agere illos arbitrantur, falluntur. GER.

Quid ergo si magnitudine periculorum de-
territi Lutherani, non compareant? PAS.
Ibi tum Caesarem armare in illos, quemadmo-
dum antea dixi, conabuntur. GER. Ego
uero imperatoris clementiam maiorem esse
puto, quam quae se facile in sanguinem in-
noxium armari passura sit. PAS. Quod
ad personam illius adtinet, propensior in
Germanicam gentem est, quam qui arma con-
tra illos facile sumpturus sit. Interim fecem
quandam à latere habet, mitratorum, Saccr-
dotum, & Cuculionum, qui ut Germanici san-
guinis sunt sitientissimi, ita non prius facessere
negotium illi cessabunt, quam armatum & ac-
censum uideant in illorum perniciem. GER.
Deus istis pestibus malefaciat. Quid autem si
Caesaris animum alio inclinet Dominus? Ne-
q̄; enim falsum est istud. Cor regis in manu
Domini, & quocunq̄; uoluerit, impellet il-
lud. PAS. Equidem non dubito, quin ijs,
quorum & potior & melior est caussa, praẽ-
sentaneo auxilio adfuturus sit Dominus. Sed
audio apud Germanos quoq̄; interdum, quan-
tumuis Euangelicos, multa designari, quae iu-
re culpari queant. GER. Quod ad ui-
te

te innocentiam adtinct, defendere omnes non
possum. Hærent enim quædam adhuc ibi ui=
tia, præsertim comessationes & compotatio=
nes, à quibus merito, utpote Euangelium pro=
fessi, abstinere debebant. Interim tamen sic
adfecti sunt, ut & obiurgari se patiantur, &
obiurgati fere in uiam redeant. Quare spe=
ro hac quoq; in causa officium facturos.

PAS. Quid? Obiurgari sustinent Germa=
ni? Atqui ego gentem pertinacissimam, &
dicto minus audientem esse audiui. GER.

Si in loco, in tempore moneatur, obiurge=
turæ, tantum abest ut id facienti succenseat,
ut etiam pretium ijs sit, qui delinquentibus
mederi pro delicti ratione norunt. Si uero in
tempestiuus obiurgator sis, iam facile incan=
descere solet, à pugnis tamen interim, nisi
plus æquo importunus sis, temperans. PAS.

Laturam igitur putas Pasquilli, si tecum mi=
gret, libertatem? GER. Quid ni?

PAS. Reddidisti animum, planè enim igno=
rabam, quò nam potissimum hinc abiturus
concederem. GER. Quibus autem po=
tissimum de causis Romam deserturus es?

PAS. Causatus antehac sum curiæ, curiæ au=
tem

tem ? imo totius urbis, cum insaniam tum ma-
litiā. Huc duæ aliæ causse accedunt.

GER. Iamdudum exspecto, quid dicturus
sis. PAS. Principio non te clam est, sce-
lerum ac flagitiorum omnium, neq; finem
neq; modum hic esse. Ut interim de falsissima
doctrina taceam. Quæ omnia magna cum
libertate hæctenus insectatus sum, idq; impu-
ne. Iam uero cum me ob nimiam linguæ li-
bertatem pro Lutherano habere incipiant, ita
ut uitæ quoq; meæ insidientur, malo ad alios
concedere, quam manifesto periculo diutius
me exponere. GER. Digna me hercle
caussa, quæq; merito te, ut alio migres, com-
moucat. PAS. Audi iam nunc alteram.
Scin quid olim accederit Sodomæ & Gomor-
ræ ? Designabantur ibi uix credibilia facino-
ra. Quas ob causas cum sæpius increpiti à
Lotho, resipiscere tamen dedignarentur, cor-
pore tandem & anima perierunt. Talem Ro-
manæ quoq; urbis exitum futurum timeo.
Vsque adeo nullū flagitiorum, nullum libidinis
genus est, quo non spurcissima hæc urbs com-
maculata sit. Taceo uulgaria illa crimina,
quorum tantus est numerus, ut etiam à male
feriato

feriato, intra octiduum numerari uix que-
ant. GER. Digna & hæc caussa est, cur
abeas. Sed qualis tandem est, sanctissimus il-
le noster, cuius autoritate Synodus cogenda
est? Neq; enim dubito quin scilicet bonus uir
sit, qui neglectis tot ac tantis Romæ sceleri-
bus, de reformanda, hoc est, opprimenda,
germanorum gente inierit consilium. PAS.
Fucum facere hominibus, hic quoq; decreuit.
GER. Quo nam pacto. PAS. Pub-
licum scriptum editurus est, quod Romanæ
Curie reformationem polliceatur orbi, idq;
in speciem tantum. Putant enim hæc quoq;
ratione & Lutheranorum caussam grauari
posse, & suam apud Imperatorem, tanto me-
liorem fore. GER. Næ tu mihi in san-
ctissimo isto patre, magnum nebulonem de-
pingis. PAS. Id uero tum dices, si qui-
bus artibus, principio ad Cardinalitiam, de-
inde ad Pontificiam dignitatem conscenderit,
audias. GER. Scio Italos ad id genus
dignitates, interdum prece interdum pretio
conscendere. Nescio tamen an ei, qui iam
sanctissimi locum obtinet, impingi nota hæc
possit. PAS. Non potest, fœdiori enim
medio

medio ad id culmen euectus est, ut dicitur.

GER. foediori? Quo nam obsecro?

PAS. Sororem habuit, cum Iulius Secundus rerum potiretur, formosissimam. In eam quum bellator ille Papa uehementissime deperiret, neq; spes esset, parentibus eandem solicite admodum obseruantibus, optatis amplexibus frui posse, Paulum hunc, qui iam Sanctissimi titulo sese uenditat, ita expugnauit, ut facienti sororis copiam, Cardinalitium galorum polliceretur.

GER. Quid ais? Sororem propriam Papa hodiernus prostituit? Hacq; uia ad Cardinalitiam dignitatem gradum fecit?

PAS. Sic est nisi me fallunt Itali.

GER. Lenonem hunc esse oportuit, non Papam. Sed quibus artibus postea ad Pontificiam dignitatem peruenit?

PAS. Quamq; dissimilis uocatio sit, tamen dubium non est, quin haec quoq; Romanensis, hoc est, pessima & foedissima fuerit.

GER. Quis igitur tali beluae, Synodum dolo malo, perfidia, ac fraude cogenti, uel parere uel obtemperare queat? Aut quae spes est, tot flagitijs, tot criminibus obrutos Italos, ea quae e re Christianorum sunt, aut uelle aut posse facere?

PAS.

PAS. Hoc certum est, si synodus coeat, id
quod tamen ne ipsi quidem cupiunt serio, non
Christi, non religionis, non pietatis, non rei=
publicæ Christianæ, sed suum negotium actu=
ros. GER. Quid igitur facti opus est?
PAS. Comitia ij qui à Romana seruitute de=
sciucrunt, breui Schmalcaldia celebrabunt,
ut audio (Neq; enim quicq; Lutherani agunt,
quod non huc statim ab Episcopis Germa=
niæ transscribatur) eò legatum Pontifex quo=
q; mittet. Quod si ibi edentuli tum Germani
fuerint, inq; Pontificia fraudis nassam pellici
sustinuerint, ilicet, perierunt. GER. Quem
uero mittet? PAS. Paulum Fortzium,
hominem confidentem, auarum, hypocritam,
indoctum, rubicundum, autoritate Simonis
& Iudæ Episcopum, & quod ad Italicissi=
mos suos mores, ceu auctarij uice adiecit, po=
torem strenuum. GER. Certe quantum
ex uerbis tuis conijcio, uel conciliabulum crit
perditissimorum hominum, concilium istud
(si coierit tamen) uel serio nunq; hac de re
apud Papistas consultatum esse, palam fiet.
PAS. Romanistæ mores suos, flagitia ac ty=
rannidem, non exuent, siue coeat Synodus,
siue

siue non cocat. Proinde operam dent Germa-
ni, ut ad id doctrinae genus, quod aduersus
Papam tuentur ac profitentur, uitam ac me-
res componant, Deum pro auxilio iugiter
implorent, caetera deim securi. Neq; enim est
consilium aduersus Dominum. Et ita Papa-
tus debilitatus est, quantumuis istuc aduersarij
uestri dissimulent, ut instaurari uix possit.

GER. Facient indubie quicquid professione
sua digni esse, & audierint & iudicarint,

Sed quid nunc inceptabimus? Diutius hic

subsystemus, an secus? PAS. In

pedes nos conijciemus, ad germa-

nos profecturi, apud quos

uera dicentibus & locus

& premium est.

FINIS.

Q **VERIMO**
NIA **PAPISTARVM**
ad legatum Pontificium in
comicijs Schmalcaldianis
conscripta, qua etiam ostenditur,
qua ratione deploratis sacrificorum rebus
succurri possit.

*Ille dies tandem niueis signanda lapillis
Optatum nobis sustulit orta iubar,
Qua Pater amissos restauraturus honores
Ad nos, sic fati lege iubente, uenis.
Aspice sit quantis Ecclesia nostra procellis
Obruta, quamq; sua mole laboret onus,
Aspice nostrarum seriem, pater optime, rerū.
Hei facinus, non est qui fuit ante status,
Totius ante sumus dominati uiribus orbis
Omnia sub nostra quum ditione forent
Cū daret argentū nobis rude uulgus et aurū
Non aliquis nostro ditior ordo fuit*

Magna

Magna etiam monuit capitis reuerentia rasi
Flecteret ut nobis obuia turba genu
Hoc meminisse iuuat, saepe est meminisse uolup
Quoq; cares eius mentio saepe iuuat (tas
Non nos audebant magni reprehendere reges
Reptabant summi sub iuga nostra duces,
Dura magis nostri metuebant uincula Banni
Quam pice Tartarei stagna referta Dei,
Nunc iacet & Bannus, iacet & turbata pote=
Nosq; iocis ulgi Fabula trita sumus, (stas
Exturbata iacent templis idola Decorum
Nec suus est aris qui fuit ante decor,
Nō aliqua accipimus pro lectis praemia Missis
Vix unde hoc miserū corpus alamus, adest
Ante etiam lucrum pietas simulata ferebat
Eheu nunc gratis cogimur esse pij,
Rusticus hoc factus peruerso cautior æuo
Iam reditus nobis quos dedit ante, negat
Iam tria si quis habet soliti sestercia census
Hunc Plutona ipsum turba maligna uocat
Quacūq; ingredimur digito mōstramur, et hic
Asertor Papæ plurima lingua sonat (est
Iāq; (infandū) aliquis siciactat ad æthera uoces
Dum uertit duram curuus arator humum
Papa

Papa uale, exorto redijt diuina Luthero
Quæ fuit ante operum nube sepulta, fides
Is primum uidit sine sensu uiuere Papam
Et leuibus nugis nostra perire bona
Vidit & accepto uendi numismate cœlum
Et claudi regni sponte patentis iter
Hinc illustratus diuini lumine uerbi
Fregit nequitiâs impia Roma tuas,
Quas dum diuersas scriptis uulgauit in oras
Occlusæ reserans molle salutis iter
Ante nigra cæcam prætexens sindone frontem
Theutonîs ora oculos cepit habere duos.
Hoc sapiente ergo, resipit Germania, tandem
Excutiens duro libera colla iugo,
Et detecta iacet Romæ fraus omnis, & ingens
Gloria Pontificum nocte sepulta iacet
Multa tamen restant prisca uestigia fraudis
Tota nec est monstris perdita Roma suis.
Surgat & arripiat iusti Deus arma furoris
Quid faciem spectant impia turba Dei?
In nos Romani sunt impia turba Papistæ
Qui lacerant lingua conuiciante Deum.
Qui nostras falso seducunt dogmate mentes
Dum nimis infraudes credula turba sumus.

B

Cedant

Cedant Romanae mendacia frivola Sectæ
SOLA DEO ACCEPTOS NOS FACIT ESSE FIDES.

Talibus atq; alijs nostræ clamoribus aures
Omniibus hic resonant nocte dieq; locis
Plura quid? ah quãtis miseri iactemur in undis
Saxa etiam ni sint surda dolere putes.
At cum uenturum nostras te rumor in oras
Nunciet, à curis corda leuata sumus
Tantaq; concipimus non falso gaudia corde,
Quanta sub aduentum filia matris habet,
Tu mater potes esse tuis, descende clientes
In tua qui faciles nuncia iussa sumus.
Sed non ista sacer terret fera pectora Bannus
Nec consecratæ cum sale numen aquæ
Quam patet in uarios late Germania tractus
Ista nihil præter nomen inane sonant.
Longe alia agredienda uia est, erũpere tadẽ
Vltio nostra queat qua ratione, tenes.
Cum tibi Romanae data sit commissio sedis
Concilium Domini numine coge tui.
Vtere mandatis, Mantoom querere terram
Quam lauat irriguo Myntius amne, iube.
Cũ bene simplicitas uobis se Theutona credet
Vindictæ causam resq; locusq; dabunt

Tunc

Tūc explere iuuēt male pressos hactenus ausus
Inueniat finem nostra querela suum
Non Italæ cessent artes, non colchidos herbæ
Non homines quidquid perdere posse putes.
In sua, captiuos cum septa cocgerit hostes
Tunc peragat iusti Papa furoris opus
Tunc Petri rigidum mutetur clauis in ensē
Sit baculum armatæ Pelias hasta manus
Sic nos amissum rursus repetemus honorem
Et dabitur nobis quod fuit ante decus.
O utinam roseo fulgens Pallantias ortu
Hanc nobis leto proferat ore diem
Interea assiduis onerabimus æthera uotis
Annuet in nostras cœlica turba preces
Omnes pro nobis Sanctos, & Martyras oēs
Supplicibus uolumus sollicitare sonis
Audiet imprimis cœlestis ianitor aulæ
In dubijs cuius cimba uagatur aquis
Aduersosq; suis prosternet clauibus hostes.
Nobis recludens limina celsa poli.
Sācte Petre, ad Mariā pro nobis omnibus ora
Inueniet pœnas sic noua secta suas.

FINIS.

B 2

LAUS

LAVS ROMANI PON-
tificis. Scripta ad placitum
Romane curie per uenerabilem dominum
Doctorem Ioannem Cochleum, Theutonice
Doctor Rotzloffel, Et Georgium V Viceli-
um cognomento, Meister Lugenmaul, Ro-
mane Ecclesie propugnatores egre-
gios.

*Pauperibus sua dat gratis nec munera curat
Curia Papalis quod modo percipimus
Laus tua nõ tua fraus, Virtus nõ copia rerũ
Scandere te fecit, hoc Decus eximium
Conditio tua sit stabilis nec tempore paruo
Viueret te faciat hic Deus omnipotens.*

QVOS VERSICVLOS
pessimus quidam hæreticus,
Lutheranus, iuuenilis fortassis Poeta V Vit-
tembergensis, ita de uerbo ad uerbum
inuertit.

*Percipimus modo quod Papalis curia curat
Munera, nec gratis dat sua pauperibus
Eximium*

*Eximium decus hoc fecit te scandere rerum
Copia, non uirtus, fraus tua, nō tua laus.
Omnipotens Deus hic faciat te uiuere paruo
Tempore, nec stabilis sit tua conditio.*

QVIDAM ETIAM LV
theranus uersifex, hoc me-
trum fecit in scandalum
uestrae Romanæ pa-
ternitatis.

*Quotidie immodico quū sis madefactus iacho
Quā male nomē aquae praesul Aquēsis habes.*

FECIT ET HAEC SE-
quentia.

ROMA	PAPA
R adix	P ater
O mniū	A uariciæ
M alorum	P ræsens
A uaricia	A ntichristus.

Cara

CARDINALIS. MONACHVS.

Cæsari	Morum
Adulans	Oppressor,
Reges	Nequiciæ
Distrahens	Amator,
Insignis	Christi
Nebulo	Hostis.
Author	Veritatis
Libidinis,	Simulator.
Incestuosus	
Scortator.	

PAPISTAE.

Plutonis
Alumni
Pestiferi
Insidiatores
Serui
Tartari
Aeternæ.

HÆC OMNIA VESTRE PATERNI
tati, ideo legenda cum querela nostra trans=
missimus ut uideatis quod Lutherani non so=
lum nos, qui sumus inferioris ordinis, sed &
(proh facinus) ipsum met sanctissimum no=
strum, totius orbis luminare magnum, Ponti=
ficem scilicet, uexent & irrideant. Velitis sen=
sibus hoc imis, res non est parua, reponere.
Quare commendamus nos omnes uestræ pa=
ternitati, & petimus ut nobis rescribere ueli=
tis (Sed cum certo nuncio, quem Lutherani
non possint deprehendere) quid apud uos Ro=
mæ de edicto concilio, in perniciem Luthera=
norum ex consiliorum uestrorum decretis sta=
tuatur. Bene ualeatis in nomine sancti Petri,
Qui ut Malchæ auriculam fortiter amputa=
uit, Sic singulis Lutheranis non solum auricu=
las, sed & nasum, os, oculos, caput & culum,
abscindat, pedibus conterat & canibus pro=
ijciat, Ut extirpentur qui nobis cœli portas
sue doctrinæ nouitate eripiunt, quas tot sæcu=
la in nostra potestate habuimus, & nemini
nisi qui daret pecuniam unde resarciri possint
si quando multitudine ingredientium infringe=
rentur, intrare concessimus. Sed iterum uale=
te & agite nostram causam.

D. Ioannes Cochleus Rotzloffel &
Georgius V Vicelius Lugenmaul. ss


Impressum Romæ in porta
Angelorum.


M. D. XXXVII.

Ji 3377

(+2292720)

ms





PASQVILLI
DE CONCILIO MAN-
tuano Iudicium.

QVERIMONIA PAPI-
starum ad Legatum Pon-
tificium in comicijs
Schmalcaldianis.

Mantua uæ miseris nimium uicina Papistis.

MDXXXVII

0901:98/1881

